

欽定大清會典

一
函
九
冊
函

欽定大清會典卷五十一

禮部

祠祭清吏司

喪禮一

凡 列聖大喪儀初喪 嗣皇帝就主喪位冠去緯哭踊宮中自 皇后以下咸摘耳環去首

飾屑時恭奉 梓宮奉安於 宮中正殿設几筵建丹旒於宮門外之左陳法駕鹵簿於宮門之外

至 太和門外 特簡王公大臣恭理喪儀既斂迺奠王公以下民公侯伯子男以上二品官於 乾

清門外侍衛及內務府官皆於 乾清門外三品以下文武有頂帶官於 景運門外大臣官員命婦不齊集左 右翼官員於 隆宗門外 皇后

妃 嬪宮人公主 皇子 皇孫福晉及近支王公福晉夫人於 几筵殿內諸王公福晉夫人郡

主縣君以上二品夫人於丹墀右三品淑人以下於 隆宗門外齊集哭臨皆男摘冠緯女去首飾奠獻

時皆隨行禮畢哀畢各退 皇帝成服截髮辮居倚廬 皇子 皇孫隨成服截髮辮居宮中別室王

公百官宗室覺羅咸成服截髮辮旗員居 關左門外漢員於各官署 皇后率 妃嬪等成服剪髮

皇子 皇孫福晉隨成服剪髮諸王福晉命婦及內府三旗官員護軍等妻咸成服剪髮 皇帝行三

年喪禮百日內

上諭用藍筆百日後素服

御門聽政

郊

壇大祀祭服行禮諸

几筵前仍喪服諸

皇子 皇孫及恭理喪儀王公大臣

殯宮守衛執事各官百日除服羣臣二

十七日除服咸百日薙髮奏疏文移二十七日內皆用藍印京朝官二十七月不作樂期年不嫁娶在京

軍民人等二十七日素服百日不作樂一月不嫁娶頌

遺詔於天下順天府尹率屬制服跪迎開

讀畢奉安公署舉哀在京候選官及教習舉貢在監肄業貢監咸集順天府署舉哀直省督撫率所屬文

武各制服跪迎開讀奉安於會城公署分駐之提鎮道員及府州縣奉安於各治所舉哀皆朝夕哭臨三

日紳士咸與移文直省督撫提鎮免其遣官進香直省官期年不作樂百日不嫁娶不薙髮軍民去冠緯

素服二十七日百日不作樂一月不嫁娶○外藩蒙古王公台吉等公主福晉等服內來京者咸成服除

服後來京者皆男摘冠緯女去首飾三日朝鮮使臣同○成服後朝晡日中三設奠朝晡進奠飯穀饌午奠進饌筵一如事生

儀 朝夕奠設法駕鹵簿三日後至一月設鑾駕鹵簿每奠王公百官咸齊集質明欽天監報時各執事皆

辦禮部堂官奏請朝奠 皇帝出倚廬詣

几筵前東立西嚮舉哀迺啟 宮門恭理喪儀王公

大臣及執事官率尙茶尙膳舉茶膳由中門中路進至

几筵前尙茶跪進茶內外齊集衆咸跪

皇帝親舉茶恭奠於茶几行一拜禮衆皆隨行禮尙茶撤茶衆皆興次尙膳進膳

皇帝親上食畢執

事官進奠几於正中，皇帝詣几前跪進爵王大臣跪進爵。皇帝祭酒三爵每祭行一拜禮衆皆

隨行禮興酒撤饌出闕門衆哀止。皇帝還倚廬衆皆退午奠晡奠儀同。○諏日行殷奠禮王公百官

公主福晉命婦咸齊集陳俎豆設饌筵二十一席羊九酒十有一尊楮帛九萬張黃幕於宮門外之右設

反坫具尊罍設鹵簿陳冠服於几筵前列饌筵於丹陛兩旁陳羊酒於黃幕積楮帛於燎所設祭

文案於西檐下屆時禮部尙書奉祭文侍郎二人前引由中門入祇設祭案退禮部堂官奏請。皇帝

詣几筵前視饌上食舉哀讀祝官奉祭文至闕外正中北面跪禮部堂官二人跪展祭文進奠几

一拜禮衆隨行禮舉哀畢撤俎豆讀祝官奉祭文禮部堂官前引侍臣奉冠服自殿陛內大臣十人前引

恭送燎所。皇帝舉哀隨行詣燎所。如不親詣燎所則遣承奠大臣內大臣侍衛扈從齊集王公百官咸從

皇帝於燎所祭酒三爵行禮舉哀衆隨舉哀行禮如前禮畢。皇帝還倚廬迺焚冠服楮帛衆各退。是日

仍設午奠晡奠大臣祭酒啓奠發引大祭釋祭日皆同○諏日而殯先期以奉移。梓宮祇告。几筵行啟奠禮陳設禮

儀與殷奠同至日奉移。梓宮於殯宮豫設大昇輦於景運門外屆時禮部堂官奏請

皇帝詣几筵舉哀執事官進奠几。皇帝祭酒三爵悉理喪儀王公大臣鑾儀衛工部堂官率

次已之青會也。卷五十一 禮部

校尉恭進小舉奉

梓宮出登大昇舉禮部尙書祭畢焚楮帛內大臣祭所經門橋皆三祭酒每祭

行一叩禮焚楮帛

皇帝步送王公百官各以次隨行

皇后率 妃嬪等先詣

殯殿後左

旁恭俟

靈駕至行奉安禮設几筵

皇帝祭酒舉哀衆隨行禮舉哀畢焚楮帛丹旒各退以側

殿爲苦次二十七日後

還宮倚廬○行初祭禮設法駕鹵簿於

殯宮大門外陳饌筵八十一

席羊二十七酒四十一尊楮製丹旒一楮帛四十萬五千張黃幕於二門外之右設反坫尊罍如儀

皇帝親詣上食祭酒其齊集讀文送燎均如前儀翼日繹祭遣官行禮陳饌筵十有一席羊五酒五尊楮

帛三萬不設鹵簿不齊集不讀祝惟恭理喪儀大臣內務府禮部工部光祿寺堂官執事餘如儀○行大

祭禮陳設禮儀與初祭同翼日繹祭陳設禮儀與初祭次日繹祭同○周月讀文致祭陳饌筵二十一席

羊九酒九尊楮帛十萬餘儀與啟奠同

凡月奠儀同不讀文

○王公九卿及文武官承

旨恭擬

尊諡

廟號進呈

御覽

勅所部製玉

冊寶香

冊寶絹

冊寶詠吉行恭上

尊諡禮前期遣官祇告

天

地

太廟後殿

奉先殿

社稷至日設鹵簿於

殯宮大門外恭理喪儀王公大臣率內府官太常寺官恭設

冊寶案於

几筵前鴻臚官設

冊寶案於

太和門正中鑿儀衛官設黃亭於階下禮部堂官豫奉絹

冊寶陳亭內大學士二人

恭奉香

冊寶升階陳於案三叩退禮部堂官奏請

皇帝素臚御太和門恭闕

冊寶畢

行一跪三拜禮興退立東旁大學士詣案前一跪三叩恭奉

冊寶降階陳於各黃亭跪叩如前校

尉昇亭御仗黃蓋前導王以下入八分公以上齊集協和門外

冊寶亭至跪候過隨行

皇帝還宮易喪服豫詣

殯宮側殿祇俟民公侯伯以下四品官以上咸於大門外按翼序立候亭

至跪迎亭由大門中門入至內門止禮部堂官奉絹

冊寶先入陳於案退大學士詣亭前三叩恭

奉香

冊寶由中門入陳於案三叩退贊引太常卿二人恭導

皇帝由左門入王以下入八分

公以上隨入民公侯伯以下四品官以上於大門外各序立典儀官贊執事官各共迺職贊引官奏就位

皇帝就位立贊跪拜興

皇帝率羣臣行三跪九拜禮興奏跪

皇帝率羣臣跪典儀奏進

冊以下進

冊寶皆有奏大學士詣案奉

冊跪獻於左

皇帝受

冊拱舉授禮部堂官跪接

興奉安於案三叩退進

寶由右儀亦如之迺宣

冊宣

冊官詣案奉絹

冊宣

訖三叩退宣

寶儀同

皇帝率羣臣行三跪九拜禮迺奠帛讀祝三獻爵如儀禮成恭奉祝帛

絹冊絹

寶送燎所由中道出

皇帝轉立拜位旁西嚮候過復位燎半奏禮成

皇帝還宮眾皆退翼日頒

詔天下○百日奠獻陳饌筵二十五席羊九酒十有三尊楮帛十有一萬

五千儀同初祭○既卜葬吉奉移

山陵前期遣官祇告

天

地

太廟

社稷前奉移一日行祖奠禮陳饌筵三十一席羊九酒十有五尊楮帛十有五萬儀與啟奠同祭畢焚饗

駕鹵簿至日執事官陳大昇舉於

殯宮大門外設

冊寶亭於階下王公百官公主福晉一

品夫人以上及內府婦女咸齊集

皇帝詣

梓宮前舉哀祭酒三爵眾隨行禮畢

皇帝先

至大門東旁立俟奉移

梓宮出跪候過步隨行

梓宮登大昇舉禮部尙書祭壘三祭酒行

三叩禮畢焚楮帛

靈駕發

冊寶亭及騎駕鹵簿咸前列沿途分站豫設

蘆殿緣以黃

幔城 皇帝步送至郊由別道先往祇俟

皇太后以下亦先往祇俟王公大臣官員侍衛內監

等隨舉行恭理喪儀王公大臣內務府工部鑾儀衛堂官左右翼衛所經門橋遣內大臣祭酒焚楮帛

靈駕將至宿次王公百官先至幔城北門外

皇帝率王公百官舉哀跪迎

靈駕安奉於蘆殿

衆至大門外序立陳設鹵簿迺行晡奠如儀奠畢 皇帝還行宮衆皆退翼日昧爽行朝奠如儀

皇帝跪送啟行步送里許仍先詣宿次在途皆朝夕奠如初日

皇太后以下與朝奠不與晡奠所

過百里內守土官於道右百步外跪迎

靈駕舉哀至宿次於幔城外行三跪九叩禮奠獻時各於

翼右班末隨行禮至

陵日守

陵員勒公大臣官員咸於十里外舉哀跪迎自紅門設法駕

鹵簿前導 靈駕至 隆恩門外降大昇輦安 梓宮於 隆恩殿 皇帝祭酒三

爵眾隨行禮舉哀是日遣官祭告各 陵寢並祭 后土 皇陵山神翼日行遣奠禮陳饌筵

二十五席羊七酒十有五尊楮帛九萬往送之王公百官及在 陵貝勒公大臣官員咸齊集儀如

祖奠大葬前期行遷奠禮儀如遣奠至時恭理喪儀王大臣等率夫校進小舉奉移 梓宮於

寶城前蘆殿恭奉 梓宮登龍轎進饌筵 皇帝祭酒三爵眾隨行禮舉哀畢 駕還行宮眾

皆退迺焚楮帛法駕騎駕鹵簿訖至日 皇帝詣 梓宮前祭酒屆吉時恭移龍轎自隧道入

地宮安奉寶牀設香 冊寶於左右几遂掩閉 元宮 皇帝於方城前舉哀祭酒行禮畢

卒哭出至幄次易吉服王公百官咸采服禮部堂官奏請 皇帝詣 隆恩殿行題 主禮

變儀衛官豫設黃輿於殿外階下執事官設 神主寶座於殿內正中南嚮設題主案於東旁西嚮

設奉安 主櫃案於寶座旁南嚮設 皇帝拜位於殿門內正中北嚮贊引太常卿二人恭導

皇帝入殿左門就拜位立鴻臚寺官引王公於階上文五品以上武四品以上官於階下東西上北面序

立大臣一人啟積奉 神主設於題主案大學士二人朝服詣案東行一跪三叩禮興就位西嚮恭

題 神主畢大臣奉 主安於 寶座三叩退迺行虞祭禮 皇帝就拜位王公百官各

就拜位上香奠帛讀祝三獻爵送燎均如儀禮成鑾儀衛堂官率校尉昇黃輿設階上正中南嚮太常卿跪奏恭請 神位升祔 太廟 皇帝詣 寶座前行一跪三拜禮恭奉 神主大

學士前引由殿中門出奉安黃輿內行一跪三拜禮興校尉昇輿前列御仗黃蓋內大臣十人大學士禮部堂官導引啟行 皇帝率王以下各官於大門外跪候過先詣途次黃幄祇俟恭理喪儀及執事諸

臣隨行沿途朝夕奠

皇帝親詣上香行三跪九拜禮

王公百官還京升祔不隨行禮

太廟詳上升○期

年小祥讀文致祭張黃幄於

皇陵方城前陳俎豆列饌筵於祭臺左右

皇帝喪服詣黃幄

內奠獻隨往之王公百官咸於

陵寢門外隨行禮舉哀與前祖奠同○再期大祥陳設禮儀與期

年同○二十七月行除服禮

皇帝喪服於

皇陵方城前行奠獻禮陳設禮儀與百日奠獻同

祭畢除服○三周行禮儀同再期

喪禮二

凡 列后大喪

聖子皇帝主喪儀初喪恭奉

梓宮奉安於

宮中正殿設几筵建丹旒

於宮門外之右陳儀駕於宮門外

皇帝成服截髮辮諸王之爲子者皆成服截髮辮

皇后成服

剪髮諸王福晉爲子婦者皆成服剪髮

皇太后宮中女侍內監皆成服剪髮截髮辮旣斂王以下

及嬪戚於宮門外三品官以下於外門之外福晉以下及嬪戚婦女於丹墀右三品淑人以下於宮門外齊集舉哀奏疏文移十五日用藍印頒

遺詔於天下○內外各官百日不作樂不嫁娶軍民二十

七日不作樂不嫁娶朝晡日中之奠進茶膳以女官恭理喪儀王公大臣內務府總管率之內監轉進於皇帝親奠○殷奠既撤饌女官奉冠服詣燎所福晉命婦內府婦女皆從

欽命公主福晉或嬪戚大

臣夫人一人於燎所祭酒行禮○將葬隨行有女侍及內府婦女等皆如

列聖喪儀 凡

皇后大喪

皇帝主喪儀初喪

皇帝冠去緯輟朝

皇子去冠緯哭踊宮中自

妃嬪以下咸摘

耳環去首飾屆時奉安

梓宮於

宮中正殿設几筵建丹旒於宮門外之右陳儀駕於宮門之外

特簡王公大臣恭理喪儀既斂迺奠王公以下民公侯伯二品官以上及嬪戚於宮門外三品官以下文武有頂帶官於外門之外 妃嬪宮人公主 皇子 皇孫福晉近支王等福晉於 几筵殿內諸王

公福晉夫人郡主縣君二品夫人及嬪戚婦女於丹墀右三品淑人以下於宮外齊集舉哀皆男摘冠緯女去首飾奠獻時隨行禮舉哀畢各退 皇帝成服 皇子成服截髮辮居宮中別室 皇孫隨成服

王公百官宗室覺羅及嬪戚咸成服王公於府第齋宿大臣官員於各公署齋宿 皇子福晉成服剪髮皇后宮中女侍內監咸成服剪髮截髮辮 妃嬪公主福晉命婦及嬪戚婦女內府三旗官員護軍等妻

咸成服 皇帝縞素十三日而除兩月後 御門聽政 郊 壇大祀祭服行禮

親臨 几筵前素服視奠恭遇 皇太后 皇帝親詣 几筵 皇太后乘輿由中門

中道至檐下降輿 皇帝乘輿由中門中道至階上降輿 皇子喪服百日餘日素服詣 几筵前

仍喪服 皇子福晉亦如之 皇孫恭理喪儀王公大臣及 殯宮守衛執事各官及嫺戚百日除服

羣臣二十七日除服皆百日薙髮十三日內各衙門文移用藍印奏本用硃印京朝官二十七日不作樂

不嫁娶○頒 勅諭於天下順天府尹率屬制服跪迎宣讀畢奉安公署舉哀直省督撫率所屬文武

各官跪迎宣讀奉安於會城公署分駐之提鎮道員及府州縣各奉安於治所舉哀皆朝夕哭臨三日移

文各省督撫提鎮免其遣官進香直省官二十七日不作樂不嫁娶皆百日薙髮以初喪日爲始不軍民

素服七日不作樂不嫁娶○外藩蒙古王公台吉等公主福晉等服內來京者皆成服除服後來京者男

摘冠緯女去首飾各三日朝鮮使臣同○成服後朝晡日中三設奠朝晡奠進羹飯肴饌午朝晡設儀駕

每奠王公百官咸齊集質明欽天監報時各執事皆辦執事官告朝奠 皇子出苦次詣 几筵前西

嚮舉哀迺啟門恭理喪儀王公大臣內務府總管及內務府總管夫人內管領妻率尙膳尙茶女官舉茶

膳由中門中路進至 几筵前尙茶女官跪進茶內外齊集眾皆跪茶奠於茶案行一叩禮眾隨行禮

尚茶女官撤茶衆皆興次尚膳女官進膳上膳畢執事官進奠几於正中 皇子詣几前跪執事官跪進

爵 皇子三祭禮每祭行一叩禮衆皆隨行禮興酒撤饌出闕門衆哀止 皇子還苦次衆皆退午奠晡

奠儀同○諏日行殷奠禮王公百官公主福晉命婦咸齊集陳饌筵二十席羊九酒十有一尊楮帛九

萬設儀駕陳冠服張黃幕於宮門外之右設反坫具尊疊陳俎豆於 几筵前列饌筵於丹陛兩旁陳

羊酒於黃幕積楮帛於燎所設祭文案於東檐下禮部堂官奉祭文侍郎二人前引由中門入祇設於案

退 皇帝親臨上食畢讀祝官奉祭文至闕外正中跪 皇子衆皆跪哀暫止讀文畢執事進奠几

皇帝旁坐祭酒三爵每祭 皇子行一叩禮衆隨行禮舉哀畢撤饌讀祝官奉祭文禮部堂官引至燎所

付內監退王公百官咸退次女官奉冠服內監十人前引恭送燎所 皇子隨出王福晉命婦嬭戚內府

婦女皆隨出 皇子福晉出詣燎所祭酒三爵舉哀衆隨行禮舉哀畢酒焚冠服楮帛各退○諏日而殯

先期以奉移告 几筵行啟奠禮儀與殷奠同至日奉移 梓宮於 殯宮豫設大昇輦於

景運門外屆時 皇帝親臨祭酒三爵恭理喪儀王公大臣鑿儀衛工部堂官率校尉進小輦奉

梓宮出宮由 乾清門右門出至 景運門外登大昇輦禮部尚書祭輦內大臣祭所過門橋皆三祭酒

每祭行一叩禮焚楮帛 皇子步送王公百官嬭戚各以次隨行 妃嬪等先詣 殯殿後左旁恭俟

靈駕至行奉安禮設几筵陳 冊寶於左右 皇子祭酒衆隨行禮舉哀畢焚楮帛丹旒各退○行初

祭禮設儀駕於 殯宮門外陳饌筵八十一席羊二十七酒四十一尊楮製丹旒一楮帛四十萬五千

張黃幕於二門外之右設反坫尊罍如儀齊集上食讀文祭酒送燎如前儀翼日繹祭陳饌筵十有一席

羊五酒五尊楮帛三萬不設儀駕不齊集不讀祝惟恭理喪儀大臣內務府禮部工部光祿寺堂官執事

餘如儀○行大祭禮陳設禮儀與初祭同翼日繹祭陳設禮儀與初祭次日繹祭同○周月奠獻陳饌筵

二十一席羊九酒九尊楮帛十萬 皇子行禮儀與啟奠同凡月奠儀皆同○承 旨恭擬 諭號

勅工部製 冊寶諏吉行 冊諡禮前期遣官祇告 太廟後殿 奉先殿至日設儀駕

於 殯宮大門外恭理喪儀王公大臣內務府總管率內府太常官進 冊寶案視內監設於

几筵前兩旁內府官設 御座於 太和門正中鴻臚寺官設 冊寶案於 御座之南左右鑾

儀衛官設黃亭於階下正副使素服於階下西嚮立禮部官豫奉絹 冊寶陳亭內內閣官奉香

冊寶升階陳於案三叩退禮部堂官奏請 皇帝素服御太和門陞座正副使由東階升詣 冊寶

案前一跪三叩興正使奉 冊副使奉 寶由中階降陳於各黃亭跪叩如前禮成 皇帝還宮

校尉昇亭御仗黃蓋前導王以下入八分以上齊集 協和門外 冊寶亭至跪候過隨行民公侯

伯以下四品官以上咸如 殯宮大門外按翼序立 冊寶亭至跪迎亭由大門入至內門止禮部

堂官奉絹 冊寶入授內官先陳於案退正副使詣亭前三叩恭奉香 冊寶由中門入陳於案三

叩興鳴贊贊上香正使上香復原位立贊宣 冊內官奉授宣 冊官於檻外宣訖仍授內官復於

案宣 寶儀同正使奉 冊副使奉 寶授內官陳於 几筵左右行一跪三叩禮興由殿西

門出太常贊引官引正使於 殿外階上拜位立鴻臚官引 皇子王以下入八分公以上於二門內四

品官以上於大門外按翼序立上香奠帛讀祝三獻爵如儀 奠獻均用內官祝文內官奉至門外 禮畢內

官奉絹 冊寶祝帛授各執事官恭送燎所燎訖眾皆退禮成正副使復 命翼日頒 詔天下

○百日奠獻陳饌筵二十五席羊九酒十有三尊楮帛十有一萬五千儀同初祭○既卜葬吉奉移前三

日遣官祇告 天 地 太廟 社稷奉移前期一日行祖奠禮陳饌筵三十一席

羊九酒十有五尊楮帛十有五萬儀與啟奠同至日陳大昇舉於 殯宮大門外設 冊寶亭於階

下王公百官公主福晉一品夫人及內府婦女咸齊集 皇帝親詣 梓宮前祭酒三爵不往送祭

酒時 皇子行禮眾隨行禮畢奉移 梓宮登大昇舉禮部堂官祭舉三祭酒行三叩禮畢焚楮帛

靈駕發 冊寶亭及儀駕咸前列沿途分站豫設 蘆殿繚以黃幔城 皇子王公百官內監女侍內

府婦女六十人皆以次隨行恭理喪儀王公大臣內務府禮工二部鑾儀衛官左右翼衛所經門橋道內大臣祭酒焚楮帛 妃嬪以下由別道先往宿次祇俟 靈駕將至宿次王公百官先至幔城北門外

舉哀跪迎 靈駕安奉於蘆殿眾至大門外序立陳設儀駕迺行晡奠如儀奠畢各退翼日昧爽行朝

奠如儀 皇子跪送仍隨行在途皆朝夕奠如初日 妃嬪以下與朝奠不與晡奠所過五十里內守土

官於道右百步外跪迎 靈駕輿哀至宿次於幔城外行三跪九叩禮奠獻時各於右翼班末隨行禮

至 陵寢日守 陵寢員勒公大臣官員咸於十里外舉哀跪迎 靈駕至 鑾殿大門

降大昇舉安奉 梓宮於 鑾殿 皇子祭酒三爵眾隨行禮舉哀是日遣官祭告各 陵寢

並祭 后土 皇陵山神翼日行遣奠禮陳饌筵二十五席羊七酒十有五尊楮帛九萬往送之王

公百官及在 陵員勒公大臣官員咸集儀如祖奠先葬一日行遷奠禮儀如遣奠至時恭理喪儀

王公大臣等率夫校進小舉恭奉 梓宮於 寶城前蘆殿登龍輜進饌筵 皇子三祭酒畢眾退迺

焚楮帛儀駕訖至日 皇子詣 梓宮前祭酒屆吉時恭移龍輜自隧道入 地宮安奉寶牀設香

册寶於左右几遂掩閉 元宮 皇子於祭臺前祭酒舉哀行禮畢迺卒哭各退行題 主禮鑾儀

衛官豫設黃輿於階下執事官設 神主寶座於殿內正中南嚮設題主案於東旁西嚮設奉安

主櫃案於寶座旁南嚮至時贊引官引遣官就拜位鴻臚寺官引王公百官各就位大臣一人啟櫃奉

神主設於題主案大學士二人朝服詣案東行一跪三叩禮興就位西嚮恭題 神主畢大臣奉

主案於 寶座三叩退迺行虞祭禮上香奠帛讀祝三獻爵送燎均如儀禮成變儀衛堂官率校尉昇

黃輿於階上遣官詣 寶座前行一跪三叩禮恭奉 神主由殿中門出奉安黃輿校尉昇輿前列

御仗黃蓋內大臣十人禮部堂官導引啟行王以下各官隨行沿仍途朝夕奠俟還京時升詳升附儀○如

距大葬之期尙遠迺於 殯宮東廡製 神主卜吉於 殯殿 欽命大學士二人行題主禮

是日陳儀駕於大門外陳鳳輿於階下奉 主大臣恭奉 神主至 几筵前設左案大學士上

香行禮畢恭題 神主變儀衛昇鳳輿陞至階正中奉 主大臣恭奉 神主出大學士前導奉

安鳳輿內前引大臣十人前導校尉昇輿由中門出儀駕前導至 東華門止黃蓋御仗 前導至

誠肅門止○期年小祥讀文致祭陳設禮儀與前初奠同○再期大祥陳設禮儀與期年同○二十七月

行除服禮 皇子喪服行奠獻禮王公百官隨行禮陳設禮儀與百日禮同祭畢 皇子皇子福晉除服

○三周行禮儀同再期

欽定大清會典卷五十二

禮部

祠祭清吏司

喪禮三

凡 皇貴妃喪禮疾革自 大內移至吉安初寤

皇帝輟朝五日素服十日

若殯期逾十日及殯而止

命所

出皇子公主持服

皇子去冠緯公主

皇子福晉去簪珥屆時入金棺奉安

金棺於正殿設几筵建

丹旒於二門外之右陳儀仗於大門外

簡命王公大臣辦理喪儀既斂迺奠王以下四品官以上公

主福晉以下一品夫人以上咸齊集男摘冠緯女去首飾○所出 皇子皇子福晉成服截髮辮剪髮

皇孫皇孫婦嫻戚隨成服至大祭日而除百日薙髮奏除諸 皇子及近支王公等並內務府總管一人

散秩大臣三人侍衛九十人內府三旗佐領下官員及其妻以三分之一成服至大祭日而除薙髮本內

管領下官員及執事男婦 皇子侍從成服至大祭日除服皆隨 皇子百日薙髮○朝晡日中三設奠

朝晡設儀仗王公官員公主福晉命婦咸齊集行禮舉哀如儀

奠茶時惟內監等隨行禮後皆同

皇子 殿內 ○諷日而殯前

期行啟奠禮儀仗全設陳饌筵七席羊五酒五尊楮帛萬有五千王公官員公主福晉命婦咸齊集

皇子祭酒衆隨行禮舉哀畢各退至日豫設大舉於大門外屆時 皇子祭酒三爵辦理喪儀王大臣鑾